



**Philippi Ecclesiæ Eystettensis XXXIX. Episcopi. De
Eivsdem Ecclesiæ Divis Tvtelaribvs. S. Richardo. S.
Willibaldo. S. Wvnibaldo. S. Walpvrga. Commentarius
nunc primum evulgatus**

Philip *<Eichstätt, Bischof>*

Ingolstadii, 1617

XIII. De quatuor Episcopatibus, quos S. Bonifacius in Bauaria reformauit.

[urn:nbn:de:hbz:466:1-70477](https://nbn-resolving.de/urn:nbn:de:hbz:466:1-70477)

De quatuor Episcopatibus, quos S. Bonifacius in Bauaria reformauit.

Sanctus Bonifacius anno Redemptoris DCC.
XXXIX. à sede Apostolica rediens, diuer-
tit ex itinere ad Regem Longobardorum,
Luitprandum; à quo recedens, inquit S. VVillibaldus
in S. Bonifacij vita cap. 9. non solum in uitatus Bauarorum
ab Odilone Duce, sed & spontaneus visitauit incolas, mansitq;
apud eos diebus multis, prædicans & Euangelizans verbum
Dei, vereq; fidei ac religionis sacramenta reuocauit: & de-
structores Ecclesiarum populi q; euersores abigebat. Quorum
alij pridem falsò se Episcopatus gradu prætulerunt; alij etiam
presbyteratus se officio deputabant: alij hæc atque alia innu-
merabilia fingentes, magna ex parte populum seduxerunt.
Sed sanctus vir iam Deo ab infantia deditus, iniuriam Domini-
ni sui non ferens, supradictum ducem, cunctumq; vulgus ab
iniusta heretica falsitatis secta, & fornicariasacerdotum de-
ceptione coercuit, & prouinciam Bauarorum, Odilone duce
consentiente, in quatuor diuisit parochias, quatuorq; his par-
tibus presidere fecit Episcopos: quos ordinatione scilicet sa-
cta, in Episcopatus gradum subleuauit: Quorum primus no-
mine Ioannes, Ecclesia in oppido, quod dicitur Salzburg, Epi-
scopatus Cathedram suscepit. Secundus Erenberch, qui Fri-
singensis Ecclesia speculatoris tenuit principatum. Tertius
Gaibaldus, qui Ecclesia ciuitatis Reginæ pastorale excubitoris
subiit magisterium. Quartus Viuilo, qui super Patauiensem
Ecclesiam sacra indagationis obtinuit dignitatem. Cumque
omnia confirmato Christianitatis ordine ritè agerentur, ut
canonum essent iura in Bauaris recuperata, iam ad proprias
reueando rediit Ecclesiæ, populique sibi commissi curam ge-
rens,

rens, culpas q̄ gregum circumspiciens, & excubias prouidens, oues à nefandis luporum mortibus eripuit.

Ex his lupis vñ userat, qui non tantum factis, sed & nomine lupum se exhibebat, Erenvvolfus, de quo isthac lib. 5. rerum Boicarum amplissimus, mihi que, dum viueret, amicissimus Dominus Marcus VVelse-rus. Vix obierat Corbinianus, cùm infaustum nomen Eren-vvolfus, homo hereticus, primus, cuius memoria inter Boios exstet, si his quoq; pestibus annotandis operæ pretium facimus; flagitiosa impiorum dogmatum labe serenda grassari cœpit. Bonifacius, ut erat acri in diuinum cultum, studio, properè accurrens, ne virus latius serperet, auctorem sceleris, matu-rè, ex sacrorum Canonum præscripto, damnatum, ab Ecclesie communione reiicit, simul populum salutaribus concionibus admonitum in viam reuocat.

De hac Episcopatuū reformatione ita Gregorius III. ad ipsum Bonifacium anno sui Pontificatus IX. Christi D C C. X X X I X. rescripsit: Quia indicasti per-rexisse te ad gentem Baioariorum, & inuenisse eos extra or-dinem Ecclesiasticum viuentes, dum Episcopos non habebant in prouincia, nisi vnum nomine Viuilo, quē nos ante tempus ordinauimus, & quiacum assensu Otilo Duci eorundem Ba-ioariorum, seu optimatum prouinciae illius, tres alios ordinas-se Episcopos, & in quatuor partes prouinciam illam diuisisse, id est, in quatuor parochias, vt unusquisque Episcopus suam habeat parochiam, bene & satis prudenter peregisti frater. Et quoniam Apostolicam præceptionem ex nostra vice imple-sisti, & sicut tibi præcepimus, ita peregisti: itaque non desinas, frater reuerendissime, docendo eos sanctam Catholicam, & Apostolicam Romanæ sedis traditionem, ut illuminentur ru-des, & viam salutis teneant, per quam possint ad eternam pre-mia peruenire.

Non ergo Episcopatus istos Salisburgensem, Frisingensem, Ratisbonensem & Passauensem, S. Bonifacius instituit, quippe qui sunt antiquiores S. Bonifacio, ut vel ex Metropoli viri nobilis *Vigulei Hund* appears; ubi singulorū Episcopatum in indices texuntur, quos & quales à primo suo ortu præsules habuerint: sed cum vel nullos, vel non legitimos pastores haberent, omniaque in deteriorius collapsa ruerent; S. Bonifacius legatione Apostolica functus, siogulis sedibus idoneos antistites præfecit, reliquo suo in gradu Viuulone Patauiensi, qui munus Episcopale, prout par erat, obiit; & vitiis flagitiisque in clero tunc exuberantibus, viriliter obuiam ibat.

Quanquam Philippus noster non tantum in hoc Commentario, sed etiam in S. Walpurgæ vita ad Reginam Hungariæ, constanter affirmat, Episcopatum Frisingensem à S. Bonifacio esse conditum, cuius hæc sunt verba: *Fuere in Regno Pipini Regis duo viri illustres, scilicet Odylo Dux, & Suiigerus Comes, qui utrig[ad] S. Bonifacium venientes orationibus eius se commendauerunt, & prædia sua cum manciis ad seruendum Deo viuenti deuotissime ei obtulerunt. Sed beatissimus Præsul considerans, quia res Ecclesie, vota sunt fidelium, pretia peccatorum, patrimonia pauperum, ex allodiis Odyli Ducis, Frisingensem instituit Episcopatum; ex prædiis vero Suiigeri Comitis, Eystettensem fundauit, & firmauit Pontificatum; præfecitq[ue] venerabilem fratrem, & discipulum suum S. Corbinianum, Frisingensibus: Sanctum vero *Villibaldum* Deo dignum Episcopum Eystettensibus. Sed res aliter se habet. Non instituit S. Bonifacius Episcopatum Frisingensem, sed reformatum, dato Eremberto Antistite, finesq[ue] hujus & aliarum Dioceseon in Bauaria descriptis. Vnde*

Ocho

Otho Frisingensis lib. 5. Chron. cap. 22. B. Bonifacius terminos Episcopatum Baioariae, sicut hodie manent, distinxit. Nec S. Corbinianum Bonifacius Episcopum Frisingensem fecit, quippe qui, condito novo Episcopatu, eidem praesesse cœperit circa annum Domini DCC. X. sub Pipino Rege, & Grimoldo Boiorum Duce; quo tempore Bonifacius nec dum Apostolica legatione in Germania fungebatur. De Episcopatu tamen Frisingensi optimè meritus est S. Bonifacius, tum propter reformationem, tum propter amplissima dona, quæ ab Odilone accepta eidem liberaliter conculit.

Non desunt Auctores, qui, cum de Bauaricorum Episcopatum seu reformatione seu institutione agunt, adiiciant quoque Episcopatum Eystettensem, ex quorum numero est Andreas Ratisbonensis, qui in suo Chronicō ista. Ioanni Salzburg, Baibaldo Ratisbonae, VVillaldo Eystett., Eremberto Frisinga commendatur; nam tunc nullus in tota prouincia pastoralem cathedralm possebat, preter Vuilonem. Auctor vitæ S. Gotthardi Episcopi Hildesheimensis cap. 1. VVillaldo Eystettensis, Ioanni Salzburgensis, Eremberto Frisingensis, Garibaldo Ratusbonensis Ecclesia commendatur. Vbi iterum vides, Eystettensem Episcopum cum institutione aliorum Episcoporum coniungi; quod secus factum oportuit: nam diuersis temporibus ista acciderunt, ut iam vidi-
mus; & vicunq; hæc siue apud recentiores, siue apud antiquiores coniuncta legis, memineris disiungenda;
& variis temporibus assignanda esse.

Propter hanc reformationem à S. Bonifacio factam, primus in institutioni quasi æquivalentem; quatuor Episcopatus, gratitudinis testandæ gratia, Monasterio Fuldenſi ubi S. Bonifacius requiescit, fundos &

f 3 peansio-

pensiones annuas decreuerunt, prout demonstrare
qua^e ex vetustis Ecclesiæ Fuldensis monumentis de-
prompsit, R. P. Christophorus Broverus lib. 3. Anti-
quit. Fuldensium cap. 11. & sunt ista...

Cunctis nostris fidelibus notissimum est, qualiter praecla-
risimus patronus noster, & totius Gallia atque Germania A-
postolus, S. Bonifacius, cum ab errore gentilium Boioarium
conuertisset, dixit eam in quatuor Episcopatus, & quatuor
ex discipulis suis ordinauit pastores, ad regendum populum
Dei. Ioannem Salisburgensi Ecclesiæ, viuulum Bataviensi Ec-
clesia, Gonibaldum Ratissonensi Ecclesiæ, Erinbertum Fri-
singensi Ecclesiæ præponens. Qui statim velut palmites, vera
viti adhaerentes, in vinea Domini, non sine fructu animarum
sibi commissarum, comparuerunt; sed & insuper, quantum
potuerunt, ipsam Fulensem Ecclesiam, matrem suam, pro
amore p^{re} patris Bonifacij, donis & honoribus extulerūt. Vnde
contigit, ut quisque eorum, pro posse suo, charitatis oblationes
Fuldensibus Fratribus, de sua patria annuatim persoluerent,
ac suos cives, ut idem facerent, incitarent. Sic q^{uod} factum est, ut
de singulis regionibus plurima prædia quique Fulensi Eccle-
sia, pro honore S. Bonifacij Archiepiscopi & Martyris conser-
rent; cresceret q^{uod}, & augmentaretur domus Domini de die
in diem.

Obtulit ergo primum Saltzburgenensis Ecclesia, matris sua,
Fulensi Ecclesia in oppido suo Hadda nuncupato, domum &
fontem salis, cum compertinentiis, & utensilibus suis, vnde
singulis annis XI F. talenta persolui possunt. Obtulit etiam Ra-
tissonensis Ecclesia quatuor vineas, & quatuor regales man-
ses, cum curtibus & compertinentiis ac famulis suis. Vnde
singulis annis transmittere debent ad Fulensem Ecclesiam,
fratribus Deo, & B. Bonifacio seruientibus piscem magnum,
Husen nuncupatum; & de oleo arborum, quantum equi duo

in lagenis deferrent. Similiter de oleo & pisce solebat Batavensis Ecclesia idem, dum viveret Viuulus Episcopus, fratribus Fuldensis Monasteri, singulis annis in oblationem transmittere; quo defuncto, paulatim per negligentiam & incutiam, siue per via longinquitatem, subtractum est. Frisingensis vero Ecclesia, cui praeerat Erinbertus Episcopus, quae iuxta Alpes, & montana Italia sita est, singulis annis caseos grandes, Berg Kese vocatos, Fuldensibus fratribus in oblationem transmittebat. Praterea, de singulis terrarum prouinciis, seu regionibus, singuli fideles, offerebant Deo & B. Bonifacio, prædia seu mancipia; quæ omnia descripta sunt in octo codicillis, & reposita in librario sanctæ Fuldensis Ecclesia.

CAPUT XIV.

*De occasione instituendi Episcopatus
Eystettensis.*

 Ccasio fuit liberalitas Odilonis Boiorum Duxis, & Svviggeri, seu Svviggarij Comitis Hirspengensis, de quibus Itinerarium Sanctimoniensis Heidenheimensis. Venit Willibaldus (Româ in Germaniam redux anno DCC. XX XIX) ad Ducem Odilonem, & ibi fuit unam hebdomadam, & inde venit ad Suitgarium, & ibi fuit unam hebdomadam. Et inde perrevererunt ad Linthrath, Suitgarius & S. VVillibaldus ad S. Bonifacium. Et misit illos S. Bonifacius ad Eyset, ut videret, quomodo sibi placeret. Illam regionem Eyset Suitgarius tradidit S. Bonifacio, in redemptionem animæ sua: Et S. Bonifacius tradebat nostro Episcopo S. VVillibaldo illam regionem, queadhuc tota erat vastata, ita ut nulla domus ibi esset, nisi illa Ecclesia S. Marie quæstat ibi, minor, quam alia Ecclesia, quam postea B. VVillibaldus ibi construxerat. Cum q̄s ibi duo manc-